

Edizione diplomatica

 Image not found https://letteraturaeuropea.let.uniroma1.it/sites/default/files/M%204ra.jpg	L i granz desirs et la douce pensee. que iai por vos dame qui valez tant. dont la paine ne puet estre celee. ou mauez mis et tenu longuemant. encor tenez mon cuer en tel tormant. dont ia nistrai nul jor de mon vi- uant. se par vos non douce dame honoree.
---	--

	Li granz desirs et la paine magree. a soufrir tant. de fin cuer bonemant. que par vos miert tote ioie donee. douce dame qui tant estes plaisant. et sachiez bien ma demer a ensciant. se de vos nai aucun alegement. ie ne sai mais ou merciz soit trouee. Et sanz merci (com)ment iert enduree. si granz dolors par moi tant longement. se par vos est pitiez entroubliee. douce dame a
	cui mes cuers satent. mon cors perdrai. et ma vie ensement. et sachiez bien dame certainement. si en seroiz de fins amans blasmee. Douce dame car soiez remembree. de la painne que suefrent fin amant. tant que par vos me soit guerredonee. cele que iai souferte. et toz iors sant. car onques noi vouloir ne hardimant. ne ia naurai se dieu plaist le poissant. que par moi soit loial amor ghilee. Ia enuers vos niert par moi porpensee. desloiaute douce dame auenant. et qua(n)t auroiz seue et esprouee. la bone foi quai del cuer en(co)uant. lors porroiz vous sanz blasme de la gant. et au maugre de felon mesdisant. faire de moi ami (com) bien amee. Douce dame del tout a vos me rent. aiez pitie de moi sil vos agree.

- letto 529 volte